

Jekalbaara



SNV
Connecting People's Capacities

Cikela ceman n'a musoman kunnafoniseben
a be bs kalo o kalo

Jamana baarada la BP : 2043 Bamako (Mali)

Mali depitebulon ye Peresidan kura soro, n'o ye Jonkunda Trawele ye

pe 3-4 nan

Densors toso ka bon muso ka danbe Pa.
A ko ka gelen regen - kono - bila ma dere!



Bamakó kiiri galen pe 4-5

Kiribulon 2nan lahalaw

Balikukalan
kun-kanlajeja
kera Bamako

San 2008 kupuda-
firi ki ntolatanw be
cogo di ?

Dantigelikan Mun be kɔrɔn fe ?

Maliden fen o fen si te teme san bi naani kan, siga t'a la k'o wolora, ka mō, ani ka mögoya Mali kono, körönfekèle balawu kunnafoni kono, u tulodingew kono. Kabi san 1963 ni körönfekèle folow gele wulira peresidan Modibo Keyita tile la, a be sen na fo ka se bi ma. Modibo ka tile ker'a kono ; Musa ka tile ker'a kono ; ka na Alfa ka tile k'a kono. Awa, a be senna halibi Amadu Tumani Ture tile in na. Waati o waati, n'a fitine wulira, n'o kera masake min tile la, o be bancogo do feere jini a la ganseliba kono. Nka, waati bee, kow taabolo b'a jira ko feere juman tun ma soro a ko la, barisa a fitine be wuli tuguni. Yali mun koson an ka

jamana nemaaw te ko in labila pewu an ka kelemasiri tabagaw bolo walasa olu k'a ko k'u kuntilenna ko ye, i n'a fo Modibo Keyita ka fanga tun y'a ko ta bolo min kan, n'o kera sababu ye k'a ko silatunu Mali kono kabi san 1963 fo Modibo fanga dafiriwaati kofe ka se san caman ma ? fanga o fanga mana yelen, o darakan ye ko « tercmeni be se ka ke fen bee la an bara yan fo Mali ka jamana kelenyako hərənya ». O ye tijé ye. Nka, ko kuncebali bee fana be se ka bɔ ko bee kan de ! Mali nemaaw, a waati sera sa dere an bee ka je ka sigikafoba ke körönfekèleko kan, n'an k'o ma ko : « konferansi Nasional körönfekèle kan ».

Mali kɔɔribaara
taabolo bëna
don kenyereye
bolo

pe 8

An ka ko tijé fo nəgən ye dere. Bi, körönfekèle wulilen don bolo kura min kan, ni jamana nemaaw ma wuli k'u jo, a kelen be i ko muruti ceden Ibrahim Bahanga n'a nəfe jama murutilen kelen be ka kene dəənin soro an ka kelemasiri tabagaw nekoro dere !

Tumani Yalam Sidibe

Balikukalan y'a kekun bɔ dɛrɛ !



Hamidu Konate

Kabi san 1965 setanburuka-kɔnɔ, lo tile 8, Teheran dugu Iran jamana fagaba, diŋe seleke naani jamanaw bee kalanko petaabaaradaw maa faamuyalenw ye nɔgɔn ye sɔrɔ, walasa ka signindenw labange Afriki fasokanw sebenko juman kadara kɔnɔ. O san yelema, filanan, san 1967 kera Bamako lajeba ye o jama kelen fe. O lajeba filanan tun be tali ke kan fɔtaw sugandili de la, minnu be fo Afriki fan bee. O bangera bamanankan ; fulakan ; marakan ani burudamekan sugandili la. Nka, o waati kelen na, kan kelen fana jenatɔmɔna Afriki cemance jamanaw kanma, n'o ye suwahili ye. Kabi san 1967, an ba fo ko balikukalan kecogoya min be senna bi, o bee sen kan : kalan taabolo sira kelen ; signinden hake kelen, ani kuntilla kelen ; n'o ye jama kalansen telin ye ka bɔ kunfinya dibi la. Awa, kabi balikukalanko damine, fo ka se ninan ma, Mali jamana n'a kɔnɔdenw ye joyɔrɔ belebele ta a ko ka jesɔrɔ siratege la Afriki kɔnɔ. O de kanma, « Unesco » ye Mali joyɔrɔ lakodɔn nin ye Etazini jamana peresidan muso Lora Nusi ka sira fe, ni Afriki kunda lajeba tile saba kalifali ye a ma, san 2007 setanburukalo tile 10 ; 11 ani 12, Bamako « Konferansi » soba la. O ye wasako ye Maliden kelen kelen bee bolo, kabi togodaw kɔnɔ, fo dugubaw kɔnɔ, ani Bamako. Wale don min timiya

sankorɔtara n'a laje gintanw kuruñbokari keli ye Mali jamana-kuntigi Amadu Tumani Ture yere fe. Balikukalan ye cikela ba caman de ka yiriwa sabati sene keko juman sirategs la an ka sigidaw kɔnɔ, a ye bolo labarakela ba caman yere fana bolo sabati baara keko juman na. Mali kɔnɔ yan, kunafoniseben lakikaw be yen an barakanw la fasoden jamakulu fanba kunafoniko juman kanma : Kibaru ni Jekabaara bamanankan na ; kibaare, marakakan na ; kabaru, fulakan na. Awa gafew sebennenw ka ca an ka fasonkanw la dɔnnikalan siratege bee la, ntolatanw ni farikolojanaje tɔw bee fasari be ke arajow la an ka kanw la. Nin bee bɔ jira ko "Unesco" y'a ka keta ke. A ka kan sa anw de ka do fara an ka cesirijala pasa kan, barisa maa kana ke sama ye o kafisa i kelen ye sama ye ka laban nsongsan wolo kɔnɔ !

**Hamidu Konate
Jaman baarada nemaa**

Sangalaci

Jaman baarada neməgɔ n'a baarakelaw bee dusukun diminen don, kaw ladɔnniya k'u terike n'u koke nɔgɔn Tijani Ja, n'o ye Mali Kibaru bugufiyɛ cakela ye, kɔ muso madamu Ja Saran Keyita faatura jumadon, san 2007 setanburukalo tile 21. A janajaw bee kera o don. Ala kɔ dayɔrɔ suma.

Jekabaara seben nekulu

Hakilisenekenɛ

Sawura ni sawura, diŋe kɔnɔ, bee n'i sawura don. O te nagasi walima galabu dakun ye wa ! Aa ! jɔn be sɔn a ma ko mɔgɔ be ke fen ye in yere kɔ ? Maa min be sɔrɔ o ma, o ye maa hakilintan ye dɛrɛ !

Tumani Yalam Sidibe

A t'a diya !

"A t'a diya,
Mɔgɔ makənɔn t'a diya ;
A t'a ka sigi diyaba,
A t'a ka diŋe diyabo !" Nin ye Sidibela denmisew ka dɔnkilisen ye U yemmin tɔmɔ wasolon Tarikuba jiritu la. Ohɔn dere ! Maa si te diya sɔrɔ Bolokɔnɔ mɔgɔya la, Barisa o ye dase welekan ye ; Dase dun ye jɔnya sigida ye. Awa, Jɔn si ma deli ka yere sɔrɔ A matigi ka taabolo kuntillena na, Walasa k'a sakɔ ke ! Sigikan were te mɔgɔ makənɔn na Mɔgɔfemɔgɔya kɔ. Mɔgɔfemɔgɔ dun y'a jigilamɔgɔ Ka-badaa badaa Jɔnforo de ye ; O sakɔ be min nd ; O dayɔrɔ n'a sigiyɔrɔ Be min kɔnɔ ; Sako bɔ la A ka daba dayɔrɔko la Min kɔnɔ. Aa ! Mɔgɔ makənɔn, e be min ?

Tumani Yalam Sidibe



Jənkunda Trawele, Mali depitebulon nəmaaba fo ka se san 2012 kalafiliw ma

Kabi « Kuru-kənsisəneli » y'a ka jaabi səgesəgelenw bila kene kan jama ye, ka nəsin san 2007 depite-sugandi-kalafiliw ma, Mali jamanakuntigi Amadu Tumani Ture ye wele bila depite sugandilenw ma, u ka lajeba fələ kənma san 2007 setanburukalo tile 3. Odon, ntenendon, depite maa 147 sugandilen bəe ye nəgən sərə depitebulonba kənə, peresidan Modibo Keyita təgəlaso la, Bamako. U kənna k'u ka nəgənye kun fələ in nəkun di Kayi depite sugandilen ma, nō ye Amadu Kamara ye. O kəra ka də kan, i n'a fo depitebulon taabolo sariya yere b'a latige cogò min, sanni depitebulon peresidan ka sugandi, ka sərə kərəlen dun ka « manda » banna, depitew ka waatilatəmə baara nəkun minebaga bə ke u bəe la məgə si kərəbyalen de ye. Fən min ye depitebulon nəmaaya nini cəbəw ye, olu tun ye məgə saba ye : Jənkunda Trawele (Adema politikitən nəmaa) ; Metere Muntaga Tali (Cnid politikitən nəmaa) ; ani Metere Kasumu Tapo, (RND politikitən nəmaa).

Depitew ka baara kun folo bolila dantigeliw de kan ka nəsin ka peresidan sugandi kalafili taabolo ma. O tora senna fo waati 11 nan temenen ni sanga 45 nəgən ye. O la, depitew ye baara lajə sanga 15 səgennafinəbə kanma. O kəfe, u kəseginna ka don depitebulon kənə u ka peresidan (depitebulon nəmaa) sugandikalafili kanma. O y'a sərə səgennafinəbə waati kənə, cəbə bəe y'a ka feəre tigetaw tige nə danaya depitew ye.

Depitew kəseginne depitebulon kənə dərən, sanni kalafili ka damine, peresidan jəyərə-nini cəbə Kasumu Tapo nənə ni bənfururəkan də ye, ka nəsin depitew ma.

A ko u ye kəle y'i senbə per-



Jənkunda Trawele, Mali depitebulon
nəməgə kura.

esidan-jəyərə-nini cəbəya la ! Metere Kasumu Tapo ka lase o ye baara nəgəya depitew bolo dərə, barisa kalafili tora cəbə fila dərənpe de ni nəgən ce : Adema Jənkunda Trawele ni CNID Metere Muntaga Tali.

O kalafili de kadara kənə, depite 147 kelen kelen bəe tara a təgə ma depitebulon səben nənəbəla fe, a ka na a ka cəbə sugandisəben bila woteminən kənə.

Depite 147 kelen kelen bəe de temenen kə nəgən nəkan, jate-hake minəna nana.

O Jate hakəw ye nin jatedenw de di :

- Sakotabilisəben : kan hake : 6

- Jənkunda Trawele : kan hake : 111

- Metere Muntaga Tali : kan hake : 31

O hakəw ye siga bəe bə a la ko jama fanba wotera Jənkunda Trawele de ye.

O kosən, ale dantigera kene

kan ka ke depitebulon peresidan kura ye san duuru nata kanma : 2007-2012. O yərəbəe, Jənkunda y'a nəsin depitebulon peresidan kərə Ibrahim Bubakari Keyita ma, ani o ka nəgən fo nagali kənə. A sərəla kə kunda a cəbəjə-əgən metere Muntaga Tali kan, ani o fana ka nəgən foko numan ke. Səcni i kərə, depitebulon kojenabəla, y'a nini Jənkunda Trawele fe a ka na i sigi depitebulon peresidan sigiyərə la wasa kənə, Modibo Keyita təgəlasoba kənə.

Nin baara bəe kəra ka kuncə ka ben waati 14 ma, ntenendon san 2007 setanburukalo tile 3. O de kəfe, lajə wulira ka sini n'a nəfədonw makənən, baara təw kanma, nō ye peresidan dankan sugandili ye, ani depitebulon baaradaw nəmaaw sugandili, ka fara depitebulon taabolo sariyaw fəsəfəsəliko kura kan depitew fe.

Fasodenw ko di depitew kan ?

Fasokanu kəni jirali ye wajibi de ye fasokanunci kan. O kosən ko o ko be boli faso kunko kan, o be fasodenw bəe kun kan. Depitew ni depitebulon dun ye faso kunko bərebəre de ye. O kosən, an bəe kunko don, hali ni depitew t'an jate u ka manda kənə waati caman ! « O ye Moriba Magasuba kan ye ka bə Majanbugu, Bamako.

Dijə ye nəgən falenfalenso de ye kənew kan. O kanma, nəmaa də de bə kene bila nəmaa were ye sanga ni waati bəe. Tijə don, Ibrim Bubakari Keyita kəra depitebulon peresidan numan ye san duuru temenen kənə. Nka, i komi depitebulon sesərəko bə polikitən kə depitehakəko de bolo, n'a ma nə ko depite fanba hake bərə ale ka tən "RPM" bolo kə don Adema kun, a ka kan depitebulon nəmaaya fana ka

A tə bə nə 4 nan kan


je 3nan to

ke Adema ta ye dëre, fo n'a y'a soro siga tun donyoro be Adema ka depite hakébako la, n'o ye depite 51 ye ! O ye Mariyamu Jaba-te kan ye ka b'o Sokoraji, Bamako.

Materé Muntaga Tali ye ceya ke, hali n'a ceya ma bëna a sen ma. N'ka tun ka kan ka dòn ko jama fanbatigi de ye ko bëe kono saara kunba tabaga ye dëre ! Ale yere min ye kuma donsoba ye, kumadonsoya dun te taa kodon ko, cogodi ale yere tun be se ka kene mine Jónkunda Trawele n'a ka depite 50 t'o la ? Muntaga k'i mujun halibi, ka depite-sugandi-kalafili wëre makono, n'onts jigiya foyi tun t'a ka ninsen in depitebulon peresidan jöyöröjini na ! « O ye Morisi Sorome Trawele kan ye ka b'o Lafiyabugu kin na, Bamako.

An ka fota darɔnininkasen kono, an bolo dara Mamutu Sangare fana kan. Ale ye Sekorélen-ka ye, ka b'o Yanfolila kubeda kono.

Ale ye min f'o an ye, o file nin ye : « Bi, Maliden makodennyerela bëe koni b'i dòn ko depite ka baara te sirabadi-



Depitebulon lahala de ye jemufanga jamana bëe yecogo ye.

lan, walima kôlonbasen, walima dögötérösojo ye duguw kono. Depite ye fasokunda-sariyaw son-kan dibaga de ye. O koson an b'a f'o ko jamanakuntigi je n'ogon bërebëre ye depite kelen kelen bëe ye.

Nka, o n'a ta o ta, depite hakili fana ka kan ka to a sugandibagaw la dëre, ka jigiya sira jelen to u ni n'ogon ce sanga ni waati bëe. I n'a f'o an yere delila k'a kalan jekabaara kono cogo min, hali ni bolonkonnin te dëlo min, a koni be doloso jira ! An ka depitew bë se ka n'ogonlasorësira jön-jön waleya an ni an ka sigidaw

kono baara na famaw këbagaw ni n'ogon ce, jetaa deme ténw ani an kunko gelenw kan olu foyorow la. O de b'a to u ka k'an ye jigiya moggow ye faso depitebulon kono ! »

San 2007 depite sugandi kalafili kow bëe koni banna sa ni sankorëta sabatili ye an ka jemufanga kan. Ala k'an meen si la, ka san 2012 kalafiliw kunben !

An be sëben in kunce waati min, depitebulon peresidan dankan tun ma sugandi f'o. Boko nata kono, aw bëna kunnafoni soro o kan.

Tumani Yalam Sidibe

San 2007 “Kuru-dasizi” (Kiiri gelen bulon taabolo lahala)

Ninjuguya walew cayara Mali kono

Ka damine san 2007 utikalo damine waatiw la, a tile 20, ka se a kunceli waatiw ma, kiiri gelenw tige kiiribulon kun filan-nigira sen kan n'ogon ko, man k'o ma ko « kuru dasizi ». O senfe, k'a ta moggofaga maasiba tigilamoggow la ; ka se kono tigilamoggow ma ; binkannikelaw suguyaw ; faso nafole yuruguyurugu tigilamoggow ; nsonbaw ; baara jugu tigilamoggow... kiiritigelaw ka moggofarajininkataw bora-nin jamakulu sere bëe la ; kiirisen ninnu moggofangita tigilamoggow la, kolongotomo dugu kono, Masina. Aminata Balo tun ye kono soro ce were fe, barisa a furuke tun taalen don Esipani ja-manda kono. Tile danmado a ka

kaw ka somaba d'o fagaliko n'ofe, n'o ye “bilakoroba” ye.

Kiirisen ninnu kiiri gelen d'o fano file nin ye, an ye min sasa Mohamedí Dawo n'okan « Les Echos » kunnafonisëben boko 2951 kono. O file nin ye :

San fila kasu denfagala k'o kan

Aminata Balo tun b'i fe ka ko labalibali de bali, n'o ye kono lakodonnèn kora taabolo dogonni ye. Kono lamonen a fe fo ka se a jigni ni waati ma, a y'a jini k'a ka denjenen faga mun koson ? Nin wale kera kabi san 2005 zuluye-kalo la, kolongotomo dugu kono, Masina. Aminata Balo tun ye kono soro ce were fe, barisa a furuke tun taalen don Esipani ja-manda kono. Tile danmado a ka

yeremasoro kelen ko, Aminata Balo y'a jini ka taa a ka den kuranin fili n'ogon kono. Aminata Balo ka yerejefo siratege la, a ko kiiritigelaw ma ko : « Ne ce taara tunga fe. An tun be n'ogon lasoro ka kuma negejurusira dëron de fe. Nka, tuma bëe, a be wari ci n ma. Nka, n ce kofe, n ye kono soro Modibo Kalapo tigò d'o fe. N ye n'ba labo kono in kalama, nka, o ma k'e jo ona. N jiginnen, n ye denjenen ta ka ta lafili totadinge kono ». Aminata Balo ka f'o la halibi, ale ye baarajugu in ke ka dakan a kamalen Modibo Kalapo tun y'i ban den ka faya lakodonni ma. Awà, a ma s'en k'i jo furansansében si musaka tali kora fana.

A t'o be je 5 nan kan

Né 5 nan to

Aminata Balo ka fô la halibi ka taa ne, ale ye denfaga in ke de walasa a ka furu kana tijé.

I komi siga tun te walejugu taabolo si la, pangeli ninibaga ya nini kiribulon ka pangili ke ka nesin denfagala Aminata Balo ma, no ye kiiritigela Adama Fônbâye. Nka, Aminata Balo ka makarannikela (awoka) fana wulila k'i jo ni nin soronadon ninikanw ye : Metere Yakuba Fofana ya jira kiiritigelaw la ko « n'i y'a ye Aminata Balo ye nin wale jugu in ke, o kun de ye barisa siran b'a la a danbe n'a faso danbe kana ronqo si gida kono, ani fana a y'a ke walasa a ka furu kana tijé ». Halibi

metetere Fofana ka kuma na, a ya jira ko sababu jenjen filanan min be se ka soro Aminata ka wale jugu in na, o ya kamalen ka hakilitanya de ye, o min ya to no m'i jo a joyorô la na ka ketaw keli ye. O de ya to Aminata Balo dusu tijena, ka bila kebalike in na. Nka metere fofana ya ka soronadon ninikanw kunce ni nin ye : "Aminata ye demisen ye.

Awa, den fila de fana ba bolo. N baw deli aw ka to a ka kosegin ka se a somogow ma. N baw deli o la kosebe".

Nogoyasiri kadara kono, kiribulon ye Aminata Balo jangi san fila kaso.

**Nin ye Mohamedi Dawo
ka lase ye min bora**

**"Les Echos" kunnafoniseben
boko 2951 kono**

Mohamedi Dawo ye kiiri gelen tigelen caman were lase ke Bamako « kuru-dasiri » sigiko filanan in kun kan. O bee ba jira an na koningelenya be ka don Maliden jogo la ka ta fe. O tun tan danbe ye.

Felo, anw Malidenw tun be siran maafaga ne haali. O de tun koson a tun be an bee hakili la ko n'i ye maa faga, k'i ko te se ka to bilabali ye kenekan, ka masore i ja be ye o ne kan. Nka, bi, ka da an ka jarogelya taabolo kan, an dalen te o si la belen !

Tumani Yalam Sidibe

San 2007 "Kuru-dasizi" jangi-jatedenhakew

Densoro tono ka bon muso ka danbe Ya.
A ko ka gelen negen - kono - bila ma dere!



Den-lafili-negeñ-kono kebagaw te danbe døn !

Bamako "Kuru-dasizi" kiiri-gelensigko filanan baaraw kuncera san 2007 setanburukalo tile 10, ntenendon, wuladafe. "Kuru-dasizi" in sigira sen kan tile 21 de kuntaala kono. A ko tun be kewale 70 de kiiri kan, minnu tun be walejugu tilgilako 114 kun kan. Nka, maa kiirita 102 de yera kene kan o hake la. Olu de kiirila kiiritigelaw fe, ka tijé bange u kun kan.

* Mogo 6 de ka kiiri tigera u kofe (kontimansi) ;

* Kewale kiirita 6 bilara kiiri-waati were kan ;

* Sefawari milyon 3 dara mogow kan jangalifen ye ;

* San 1 fo san 5 kasolabila hake 30 pangili kera :

* Maa 5 bilara sakotenyerela kasolabila bolo kan ;

* San 5 fo san 20 kaso girin dara mogo 30 kun ;

* Jekafaga bere dara mogo 5 kun ;

* Jamanakondon hakentanya dara mogo 6 kun.

Bamako « porokireri zeneralı » Mahamadu Buware ye foli ke ka nesin lakana tilgamogow ma, ani kiiritigelaw demebagaw ; makaran-nikelaw ; fo ka se kunnafonidilaw ma u ka yeli la kene kan « Kuru-dasizi » kuntaala kene tile 21 kono. A

ko ko ba jira ko an ka jamana konomogow dalen be Mali kiribulon ka ladiriya la, ani adamadenw josiraw sabatili la, an ka jamana kono.

**Nin ye Mohamedi Dawo
ka lase ye ka bo "Les Echos"
kunnafoniseben bo ko 2957 kono
A bayelema
Tumani Yalam Sidibe**

Sarankali gelen

"Porokireri zeneralı" Mama-du Buware y'a jira a ka kiiri-kunce-jemukan kono ko moge minnu be marafaw walima marafen werew dilan ani k'u feere jamanadenw ma yurugu-yurugu siratege la, ko ni olu minena, k'u be pangisariya fe fo pangiko jugu. A ya jira fana ko ni a se tun be kiiritigelaw ye bi, ko « Kuru-dasizi » tun be sigi Bamako yan kalo o kalo ko. A ko ni o tun kera, o be da be wale jugu hake la an ka jamana kono yan, ani ka Mali kasobonw kono jama hake bereben.

Mahamadu Buware y'a jini Maliden kelen-kelen bee fe u ka ke sariya demebagaw ye ni walejugu tilgamogow kofeli ye lakana tilgamogow ka sira fe.

**Mohamedi Dawo
Les Echos kunnafoniseben**

Jamana kuntigi ka jigilatigekuma

San 2007 setanburukalo tile 10 ; 11 ani 12 kera Afriki bangu balikukan tigilaməgəw ka lajedonbaw ye Bamako. O lajew dayelenna Mali jamana-kuntigi Amadu Tumani Ture fe. A ka laje-dayelen – jemukan kənə, min kera Mali kalanko minisiri Seku Umar Sissoko ka lase kofe, a ye nin hinékuma in fō ka nəsin a ka kalanko minisiri faatulen ma. A ko « ... waati min na ni minisiri Seku Umar Sissoko y'a jini jama fe an ka wuli ka sanga kelen taasibila ke ka nəsin Mamadu Lamini Trawele fure ma, a ye n hakili jigin n ka kuma labanw la minisiri belebele in fe. O don, n selen a ma k'a to a ka bana gelen dilan kan, a yecogo ma n diya. Nka, nkəni ye a jini k'a hakili sigi ni nin kumaw ye : "karaməgəba Mamadu Lamini, i ye kele caman ke i ka dinenatige kənə, k'o setigiya ta. Ni Ala sənna, i ka bana in fana kele janjonba tabaga be k'i ye ! » N y'o fō yərə min, karaməgəba ye n laje, k'a kun firifiri. O y'a to n y'a dən



k'a dalen tun te n ka jigisigikuma na. Tijé yere la, ne yere tun ma da n ka kuma fota lakikako la ! ”

Jamanakuntigi Amadu Tumani Ture ka kuma in ye ne limaniya ko kura ka taa Ala məd : jamanakuntigi kuru ka desekan fō minisiri kunba boli siratege la a ka bana na !

Tumani Yalam Sidibe

Hakililajigin

San 2001 setanburukalo tile 11 don de, dijé bee bala ka siran sərə, ka dà kan balawu tigilaməgəw sera ka balawu ladon dijé yərə lakananenba də kənə, nō ye Etazini (Ameriki) nafoloko taabolo ni jagoko taabolo sobaw ye (world Trade Center). Halibi, Etazini nā ka sebaaya bəe, a ma se ka balawu in weleyabagaw bəe mine. Aa ! Dijé setigiyako don de. Jlinan san setanburukalo tile 11 kera o wale sanyelema wəorənan ye.

Toumani Yalam Sidibe ni
Amadu Sidibe

J'ko...

Maa ni fən də ka kan, nka, n'i y'i sigi ten k'a laje ka sərə i mā lajini, a be taa k'i dan !

**Abuduli Arazaki Menta
Arujo bamakan la pagalikela də**

N'a fərə ko Segu balanzan ba naani, ni kəmə naani, ni bi naani, ani balanzan kə kurunni kelen, o tun te jiri balanzan ko ye dere ! Segu janfa sirisiraw tun ko don. Balanzan kə kurunni janfa tun be nənabə bilasiralisen de fe !

**Baseku Kuyate
Jeli-ngənifəla ka bə Bamako**

Ala ye an da ka hakili di an ma, kō ke an ka dinenatige bilasirafen nā masirifen jənjən fələ ye. I m'a ye, hali bagan, hali denjenin, hakili de bə to u b'u kanufən w dən. Hakilitigi ni danbəntanya man kan !

**Usumani Serifu Madani
Hayidara
Diine ntulomaba də Bamako**

Fili ni yərelatilen de ye nimafən bee jamu jənjən ye. An bee bə min baamunan ni turukala ani bomonsi ce. A ka cə la, an bee nō jogo fila be taa seledo la. Fili te kojugu ye, fo n'a y'a sərə yərelatilen wale t'a kofe !

**Purakake Sidibe
Birigo Goro maakərə də
(Sirakərə, Kita kafo kənə)**

Bee ko (bama ye ji dugulen ye). Bama dun nana tawu kə ji kənə. Jaa koba caman tigibatiyi nā təgo sərəbagə te kelen ye dere !

**Filanin – Mori Keyita
Kaaba (kangaba) maakərə də**

Minnu ka jəyərə te sərə ni Maliden ma nəgan, Ala kən don olu kalodibi la !

**Mamadu Dunbiya
Wajulikela Bamako**

Kənəja kasadaraw

Dəgətərəw ka fə la, adama-den farikolo dako juman bə sabati a temesiraw taabolo juman sabatili kadara de kənə : an bə dumuni kə, ka ji min ani ka fiñe saman. N'o walew bə diya don da kənə ani nun fe, i kə dən k' u si kunntan te. An ka balo bə sabati olu de kadara kənə, ko masərə fən nafamaw b'u la minnu bə an farikolo lajo. Nk'an k'a dən fana ko an ka dumunifew ; an ka ji minta ani an ka fiñe samanta kənə fən mume tən farikolo nafafenw ye. Fən tolitaw b'u kelen kelen bəs la, a wajibiyalen don minnu ka saman ka bə an farikolo la negeñataa ; negeñekə ani fiñe samannen kəlasegin sira fe ani fiñe samannen kəlasegin sira fe an nun fe. Ni geleya donna nin fennabəda kelen kelen fən o fən fana taabolo la, i k'a dən farikolo yərə bəs de fana bə degun sərə dere. Nka, nin yərə in na, an bəna kuma balo dunta tolifenw de kəlaseginni geleya kan, n'an



Kənəja ye geleya ye farikolo kənəfen bee ma

k'o ma ko : kənəja.


Kənəja ye a danma bana ye min be bana were kofə, walima ka kənəbara kənə mumen yere ka baara sensumaya kofə. O dun si ni sigili te ben ka sərə i ma wuli k'a ko nejini. Kənəja sababu jənjən də yere be se ka ke dumuni yeləmani geleya ye. Kənəja dun sərəla sira o sira fe, an k'a dən k'a be geleya de lase an farikolo kənəminenw bəs ka baara ma, k'a masərə, dusukun ; binen ni fogonfogon, ka se nogo ni kunankunan, ani kənəbara minen təw ma, ka masərə olu nin bəs ka baarasen be don negeñna sira də fe. O kanma, an

kana sigi ni kənəja ye ka sərə an m'a ko nejini, ani k'a furakəko nejini.

Kələsili : An bara yan jəyərəba dira situlu ma waati bəs an ka maakərəw fe, ka d'a kan, ale labaaracogow dənni farikolo la, o bə ke bana bəs fura ye. A kafisa an ka tile baara gelenw kofə, an kolen kə ji kalaman na, an k'an farikolo fan bəs mamu kosebe ni situlu ye. O bən fari la səgen kele, k'a lajə don were baa-ra kanma.

Tumani Yalam Sidibe

Fili seegin -jini tulon (fili seegin bə negeñ fila ninnu cə. U jira)




- 7- Filien kəkannna-ja- segererekən tasə tulow
- 6- Kannna-kədən duqumadakuru
- 5- bololakanndaregəw
- 4- dənkədəna kere jiegən
- 3- disi-kən-ci
- 2- tulila bukulu negeñ
- 1- turukala kurulen jiegən

Mali koɔribara taabolo ka "kenyereye" bolokanbilako bɛ cogodi ?

Kabi waati jan kuma bɛ ka ke Mali koɔribara taabolo bilali kan kenyereye ka bolo kan. Awa, o boɔodalen ben ka bɛ san 2008 de ma. O koson, nin yoro in na, n benn n sinsin CMDT jodaw kan sigidaw kono yiriwabaaraw taabolo de kan haali.

Tijé don, CMDT sigikun bérébéré ye koɔrisene yiriwali de ye an'a senebagaw ka makone musakaw sɔrɔli a la, sannifeere kofe. Nka, walasa ka koɔrisene sabati sigidaw kono, CMDT ye sigidaw kono mɔgɔw ka lafiya kunkanbaarabolow fana sigi sen kan : sirabadilanw duguw ni duguw ce ; bagandəgətərəw senekelesiwi ka kenyeyə koson ; musow layiriwabaaraw ; duguw kono kələnbajı ni pɔnpekələnbjiko ; balikukalan, fo ka se baarakalan ni dɔwerew ma. Nka, an be don min na i ko bi, hali ni CMDT ma ke bilafen ye falɔ kenyereye ka bolo kan, nin netaabaara kofolen ninnu bɛe koni wəyali dabilalen don CMDT fe a ka maradagaw bɛe kono ka ban. O geleyaw be senna waati min ciklaw kun kan, kɔri sɔŋɔ nagasili dijé sugubaw kono, o fana nana fara geleyaw kan. O bɛe b'a jira ko CMDT ye cakeda ye min nafa yere koson ciklaw ka dijénatige lafiyada n'a basigili sɔrɔli la, Mali jamana nəməgɔw ka kan k'u hakili bɛe fara nəgɔn-kan min b'a to, hali ni CMDT ma je bilali kɔ kenyereye ka bolo kan san 2008, o k'a soro labenw bɛe kera a nema min b'a to koɔrisene təna b'a an ka ciklaw jogo la abada. O siratege yere de la, mɔgɔ be se k'a f'o ko Mali gɔferenama ma bali ka wulikajo be walasa hali ni kenyereye de ye cakeda in ta don də, a ko be ke Mali ni koɔrisenew, ani kenyereyew bɛe ke wasa kono. O de nana ni cakeda sigili ye sen kan min kuntilenna ye CMDT ka kenyereye bolokanbilako keli ye a je



Koɔrisene donne don Mali senekelew jogo la haali. Jon b'a f'o k'a bɛ se ka silatunu an bara yan ?

bérébéré fe, ka ben « kaye de Sarizi » (feere bənkənsəben) taabolo ma.

CMDT ye cakeda ye joda bɛ min na hali Mali jamana yere ka nafoloko béréberenni feere tigedaw kono. O de bɛ kɔri ke Mali jamana ka nafolo sɔrɔda filanan ye sanu kofe. Awa, Mali cikela mɔgɔ miliyon saba ni kɔ de sinsiñen be koɔrisene kuntilenna kan bi. N'an ye koɔrisene dagabaw ye Maliba in kono, an be t'a soro kolu yere fana sawura ka bon Mali sigida kene sigifere la haali : Kita n'a maraduguw ; San n'a maraduguw ; Kucala ; Sikaso ; Buguni ni Fana, n'u maraduguw... Hali n'an bora CMDT ka laddala maradugu olu kono, an b'a ye ko, k'a ta Kolokani kafo la, ka se Negelafalaje maraw ma, koɔrisene de ye cikela caman jigiya senefen ye bi nafoloko ; dunkafako ; ani adamadenya ladamusirako la.

K'a f'o ko CMDT ni bilali man kan kenyereye ka bolo kan, o te n ka jemukan

la jiniye. Nka, ka da cikela mɔgɔ miliyon caman ka jigiya kan min semenen bɛ CMDT la, hali n'a ma je bilali kɔ kenyereye ka bolo kan san 2008 ɔkutəburukalo la, o k'a soro feerew tigerə gɔferenama fe, minnu b'a to o kenyereye tigilamɔgɔ bɛ baara ke "feere bənkənsəben" kuntilenna kono. N'o de kera, ciklaw, ni Mali gɔferenama ani kenyereye bɛe b'u ka nafa soro, ka soro dankari ma se koɔrisene ma.

Bi bi in na koni, n bɛ segin ka kɔrəlen fəlen də de lakali kokura. Koɔrisene donna Mali ciklaw jogo la cogo min, ni gɔferenama y'u dème o kadara kono, a təna f'o je si ma ko koɔrisene dabilara Mali kono. Nka ko ka ke misiba kənəko ye, min ke cogo numan koson », misiden te to kɔngɔ la, awa, nənəminen fana lankolon te to .

Tumani Yalam Sidibe

Tamatibana keleli

Tamatibana ye fen ye min banakise bɛ tamati furabulu kurukuru a ke waati ka dənni daminə, n'o yà ka sunkurunya waati ye.

Tamatibana kasaara bonya kojugu tamati kan, a kera sababu ye ka tamati bayelema izini dəw datugu, ka tamatiko geleya. I n'a f'o Baginda tamati izini (Mali kono), Gana, Burukina Faso.

O hukumu kono, hakili jagabo də kera walasa ka tamatibana in kele.

An ka senefenw tun be bayelema an fe ka soro tubabuw ma don an fe farafinna, o baara kəbaga maa faamuyalenw ye fura soro tamatibana in na, min tun be ke sababu ye ka tamatiko dabila.

Feerew bɛe tigerə walasa ka tamati turu. O cogo kelen na, feere caman tigerə walasa ka tamatisene yiriwa farafinna

tilebinyafan fe. Baara nəgɔnɔya min be farafinna ni a kəkan baara nəgɔnɔw ce, olu haminankoba ye dənni in laseli ye farafinna ma. O siratege la, utikalo temen tile 17, san 2007, kalan də sigira senkan Bamako iniwerisite (fasiti) la ni lamerekenw ka kalansobaw ka dème ye, n'olu ye UGDAVIS (Kaliforinin) Cornel iniwerisite (New York).

Tile 5 kuntaala kono, kalanden minnu bora Nizeri ni Gana ani Burukina Faso ni Mali (IER ni Bamako iniwerisite), b'u siñsiñ fəñw bayelema cogo kan. I n'a f'o tamatisunw lakana cogo k'u kisi bana ma minnu be tamati mine kabini foro la, kalan in nafolo bora Iyesiyayide (USAID) de fe ani farafinna tilebinyafan mara birroba min sigilen be Akara.

Kalan in nəmaaya tun be Fasiti nəmaa ka dankan Gawusu Tarawale min bolo, ale y'a ka nisəndiya jira kosebe.

A ko dənniye min sɔrəlen file kalan in kene kan nin ye, a ka minne ni səbeya ye, kədənniye sɔrəlen jensen fan bɛe lajelen fe walasa a ka waleyka je.

Amadu Sidibe ka lase don A bayelembaga bamanankan na Yusufu F. Fane

Jininkeyərə (laboratuwari) də sigira

Jinin hukumu kəna ka nesin tamatibana ma, laboratuwari də sigira « Fasiti » le. A kelen dəron de be farafinna tilebinyafan mard kono. A na ke sabu ye an baarakənəgən nininikew n'an sigiyogon jamanaw nininikew kana wuli ka lamereken jamana walima nansadarajama segere jinini hukumu kono.

An ye nin kunnafoni bə "Les Echos" kunnafonisəben kono. A ka donniduguje bəta 2948 nan, tarata, utikalo tile 28, san 2007.

Furu kera jigiya ye an ka maakorow bolo

Kabi lawale la, furu tun be ke an ka sigidaw konomogow ni nəgən ce jigiya kuntienna de kan. O kanma, furu te ben siya bee ni nəgən ce cogo min ka da tana dəw taabolo kan, maakoroko de fana tun don ka nesin denmisew ma. Furumuso jinibaga tun ye du cekoroba de ye. Awa, ale de tun be muso tata sugandi, k'a mamine, ani k'a furu k'a ladon a denke kun, ka soro o ma jininka ne si ma furu taabolo si la. O kosən, cemisen si tun be se furu ma ka soro a m'a ka muso ladonta don ka bo dugu muso misen tow la dugu kənə.

Furu tun be ke cogo di ?

Gatigi bee tun ba don a ka ga kənə, denke min si selen be musoladon ma. O waati la, npogotigiw tun te yeremabila la. Nka, kunnafoniw temesira tun labennen be cogoya la min ba to məgəw be bo nəgən ka dukənəna lahala kalama denmusoko siratege la. Ni gatigi tun ye npogotigi kəgəlen min lalakodən, a be kən ka nejini k'o woloba jogo la, ani a faso danbe adamadenya taabolo siratege la. N'a ye kunnafoni numan soro ba jogo kan, ani ka seereya a kan k'a fadu ye danbe du ye, a te dan o ma, barisa muso bee te tata ye.

Cekoroba tun ba ka danyaməgə də de jini k'o bila muso furuta ka adamadenya n'a farikolo dənni nejini sira kan : muso doncogo b'o la bon kənə ; a ka ji dicogo b'o la maakoroba ma ; a ka məgə filecogo b'o la... Fen min ye farikolo dacogo lahala ye, an ka maakorobaw tun ka jatemine be boli sen sabara feenecogo kan ; ani a kun sigicogo a kan kan ; a nedə noorə cogoya, fo ka se farikolo yere bonyacogo dəw n'a misenyacogo dəw ma.

O ye npogotigi selen jinini kunkanko ye furu la. Nka, mamine fana tun be yen min tun be ke sababu ye ka cemisen də ni muso denmisən də jate nəgən taya la sanni denmuso ka se-waati ma furu si la. O waati la, mamine tun be se ka ke muso den misen sihake bee la, nka, ceso lataa tun be damine denmu-

so bowaati la solomaso kənə, sigegekərə kəfe.

Musomaninw ka furujoona tun be cogo di ?

An ka kan ka min faamuya fələ o jemukan taabolo jəjən na, o de ye ko dije kənə, adamadenya waati bee n'a taabolo de kera. Awa, ko o ko tun mana ben sigida kənə, o de tun ye tije ye. "Koda-ko ma, o ye kolatiye de ye !" Fələ, ni denmisən tun si sera san 13 ma dərən, an ka maakorobaw tun ba damine k'a farikolo yanga de kəlesi. U tun ba don o senfe n'a ya soro farisocogo yanga ba to a ka ceso lasigi kun, walima n'a t'a kun. Ko si tun kufeko te ke an ka maakorobaw fe dere ! An k'a don fana k'o waati la sungurun tun kelen te ka dije fan bee labə, i ko bi. O ba jira ko musoko geleya tun be yen, barisa fen tun don məgə tun be so siri min jinini kanma sigida kənə.



Kabi lawale la, an ka maakorow ma tulon ke furuko la.

Fələ an bara yan, furu joonako tun te geleyako ye, ka d'a kan, sigida muso maradaw ka ca haali ladamu kənə. O de kanma, an ba men ko furaci ; an be ma jənən-baga fana komen ; dugu bee n'a ka muso denmisən ladonbaga musokoroba fana tun be. N be se k'a fə k'o waati la, muso ka cesolataa ladamu ladilikanw dili tun be damine a ma ka bi a ba kə la, fo k'a don cəso kənə. O de kosən, ni furusiri tun be ye ka caya o waati la, a tun ka gelen məgə kelen ka furusako fila komen i si kənə. O kosən, n ba fə ka kuma inkunce ko : "furu-joonako" t'an ka furuw kənə geleya kun ye bi, nka ladamu ntanya de don dere ! Məgə denmusotigi de be sisan, nka məgə si sakə t'i denmuso la bi, ka d'a kan fələ ladamu taabolo bee karila !".

Mamutu Trawele
ka bo Buguni (Sikaso)

Mali ntolatantɔn ɲanaya kupu yalonna Stade fc

Kabi karidon, san 2007 setanburukalo tile 2, Mali ntolatantɔn ɲana kupu nɔfentolatanw kuncera. San 2007 kupu ɲana tora kokura Stade ntolatantɔn de bolo.

An baw hakili lajigin ko san 2007 tɔn ɲana nɔfentolatanw daminenka kabi san 2007 zanwuyekalo tile 6. Awa, ka se a kunce ntolatanw ma, san 2007 setanburukalo tile 2, ntolatankɔ 182 de ye ntolatantɔn w

kɔgɔ da nɔgɔnna. Kuru caman dasira jɔw kɔnɔ o ntolatanw senfe, ani ka tɔn caman fana fara nɔgɔnnako caman ke filaninbin kɔnɔ. A ko kera sababu ye fana ka tɔnba fila lajigin tɔn ɲana duguma Mali kɔnɔ yan.

O bɔ̄ jira ko ni olu ma sendonko kura ke, olu sen tɛna ye san were ni san nataw tɔw tɔn ɲana-jini-ntolatanw la. O dugumasaara ceton fila ye kayikaw ka Sigi ntolatantɔn ni


Bamako komini filanan ka ntolatantɔn ye. San 2007 ntolatantɔn ɲana jini ntolatanw kuncera Stade ka tɔn ɲanaya kan ni kuruhake donnen 59 ye ani farankankahɛ 39.

Joliba ntolatantɔn dara Stade kan ni kuru donnen hake 54 ye ani farankanhake 28.

COB ntolatantɔn ye jɔyɔrɔ saban ta ni kuru donnen hake 54 ani farankanhake 20 ye.

Afriki ntolatankupuba ntolatanw bɔra u dogɔkɔrɔ

San 2008 ye kunbensan ye Afriki ntolatantɔn wolo Gana jamana kɔnɔ. O ye kupudafriki ko ye. Awa, walasa kɔ̄ cebe w lasɔrɔ, ntolatantɔn w kɔgɔ be nɔgɔnna haali, barisa ntolatantɔn w tilara kulu ni kulu de. Awa, kulu kelen kelen bɛe tɔn ɲanaw ka fara tɔnw ɲana dankan jolen fila kan, olu de bɛna Gana jamana kunben ke san 2008. O nɛbila ntolatanw de siratege la, Mali ka Kulu kunben tun bolodara ka ben san 2007 sentanburukalo tile 8 don ma. O don, Mali cedenw ni Togo cedenw kɔgɔ tun be taa da nɔgɔnna Togo ntolatɔnkenɛba kan, Lome, ka sɔrɔ Benenkaw be taa Seralewɔnikaw segere Firitɔni ntolatankenɛba kan. Nka, Seralewɔnikaw y'a jira "CAF" la, n'ɔ ye ntolatan kunkanko ɲenabɔtɔnba ye Afriki kɔnɔ, ko ka da jamanakuntigsi sugandi kalafili tako filanan kan min be k'ale bara o don kelen, ko ka ntolatatan ninnu bɔ u dɔgɔkɔrɔ, barisa olu tɛna se ka lakana sabati o don ntolatan cedenw ye. Wajibi dun don kulu bɛe kɔnɔ ntolatanw ka ke ka ben waati kelen ma. O kosɔn, "CAF" k'ɔ bataki bɔ k'u jira ko san 2007 setanburukalo tile 14 ntolatanw bɔra u dagɔkɔrɔ, k'u boloda kokura ka ben san 2007 ɔkutɔburukalo tile 14 ma. Nka, kosafekunnafoni y'a jira ko Togokaw fana ka bataki sera "CAF" la, k'a jini ka ntolatanw bɔ u



Mali bɔnkamalew be taa u ka Gana taasira mine Lome.




dɔgɔkɔrɔ kokura k'u boloda ka bila don were kan, barisa, san 2007 ɔkutɔburukalo tile 14 y'olu fana ka depite-sugandi-kalafili don ye ! Yali "CAF" bɛna olu fana jaabi ni sɔnkan ye wa ? Waati nataw de bɔ nɔninkali jaabi di an ma. A kɔni kera cogo o cogo, walasa anw Malidenw ka hakililatige sɔrɔ an ka Gana 2008 kene lasɔrɔli kan an ka cedenw fe, a wajibiyalen don u ka se sɔrɔ Togokaw kan u yere bara. O ye baara gelèn ye, nka ko kebali te. Hali g filaninbin da mân di ãnw la, kuma te a dugumasaara celi ma, ka masɔrɔ o bɛe bâñ ka ko dulon Benen ni Seralewɔni cedenw ka kunben lala de fana na. Ni mɔgɔ min dun ye jatemine ke, i b'a ye ko ceden

ŋana minnu Mali ka bɔnkamalenw la, n'olu y'u dusu don, u tɛna dɛsɛ Togokaw la de. Nk'a man kan cogo si la u ka bɔ Malidenw jigi kɔrɔ san 2008 Gana jamana kunbenw kene lasɔrɔliko la !

Kosafekunnafoni : "CAF" ma muru meen basu la. A ye bɛndon kura boloda teliya la, min be ben Togo ; Benen ; Seralewɔni ani Mali ma. O kera san 2007 ɔkutɔburukalo tile 12 don ye. O don, Mali cedenw ni Togo ceden kɔgɔ be nɔgɔnna waati min Lome, o waati kelen b'a sɔrɔ Benen cendew ni Seralewɔni cœenw kɔgɔ be nɔgɔnna Firitɔni, n'ɔ ye Seralwni fagaba ye.

Tumani Yalam Sidibi

*Manden tariku
(boko tenenen ts)*




Nsiirin : Filaninw ka maana boko 2nan

Filaninw tun te muso were dən u ba ye, ni jinemuso in te, sabu u ye ko dən k'ale de to u bamuso jeyərə la. Filaninw tun kərəbayara, fo k'u bolo don donsoya la. Don də la, u nalen ka bə sogofagayərə la kungo kənə, u y'u sigi jinemuso kerefe. U k'o ma ko : Anw ba, mun kosən, e min ye anw ba ye, e kera jinemuso ye, ka anw ke bunaahadamaden ye, anw dun bəra e de wolo la ?... o yərə la, jinemuso y'a dən ko denw bako tine ka kan ka fə u ye sa. O de kosən, a k'u ma ko : aw ba te ne ye. Aw ba dəgəjninitə de nana jigin aw la ntbasunba in kərə. Jiginni senfə, i komi deməbaga tun tə la, aw ba kirinna ne jinemuso yaalatə aw dalen kan aw ba kirinnen dafə. Aw hine donna ne na. O kanma ne ye aw ta ka taa ni aw ye n bara.

Filaninw sərəla o de la ka jinemuso jininka u ba lahala la, ani a bə se ka bə dugu min kənə.

Jinemuso ye o bəe kunna-foni di u ma. O kelen, filaninw ko jinemuso ma ko : « an ba, an b'a jini i fe i k'an nabila an ka taa a ne da an bamuso kan,

Filaninw fila sera dugu o dugu la, u kubenna n yen musow fe ni ʃagiyə ye kəsebe.



adamaden dugu la » jinemuso ko u ma k'o te baasi ye, k'a bə u labila ka taa bə u ba ye adamaden dugu la. Jinemuso ketə k'u labila, a ye soke jeman kelen kelen di u ma, ka sanu bəre bisaba di u kelen kelen ma ; A ye jine "tapi" kala k'o ke dulokiba ye, k'o don u kelen kelen bəe kanna. A sərəla k'u labila. U taatə, jinemuso ye u bilasira ni nin kanw ye : "Ni aw sera dugu o dugu kənə, musow bə girin aw kan ko aw ba y'u ye. Nka, aw b'u jininka u k'a fə aw ye u ye aw wolo yərə min na. Ni muso min ko k'a ye aw

wolo ntbasun kərə, kungo kənə, aw k'a dən k'o muso o de ye aw ba ye". (A tə bə bəko nata kənə)

Amadu Jakite
Negenkela, Jamana
baarada la, Bamako

Sata Kuyate ka kuma don : "geleya mana i sərə, limaniyd ; kana kəbali ke ; kana fəbali fə".

Aa ! Nəntə, kərənfekəle ye anw Malidenw tərə sa dare ! Yali Dibi Silasi Jara
nəqəndə cew te yen tugun wa ?

Tumani Yalam Sidibe

Walasa k'aw ka dənniya labarika an baarakanw la, a ye aw wasa don jamana gafew la an ka fasokanw la

